

fauré, testemant

Au nom de dieu soict scachent tous  
presanz et & advenir que cejourd huy **dix septiesme**  
du mois de **septambre mil six cens quatre**  
**vingz quatre** apres midi **a villemur et dans la**  
**maison d'habita(ti)on de la testatrisse** bas nommée, diocese  
bas montauban et sennechaucée de th(ou)l(ous)e regnant  
nostre tres chrestien prince louis quatorziesme  
du nom par la grace de dieu roy de france et de  
navarre, par devant moy no(tai)re royal soubz(sig)ne  
et presanz les tesmoingz bas nommes a este en  
personne **eve fauré veuve de ramond vieusse**  
**tisseran** habitante de villemur laquelle gisant dans  
un lict de la chambre de lad(ite) maison detenue de  
maladie corporelle **a cause de sa vielhesse** toutesfoix  
en ses bons sans memoire jugemant et cognoissance  
bien voyant oyant et parlant considerant la fragilitté  
de ceste vie que nous n avons qu a condition de  
mourir d ou l heure nous est autant incertaine que  
sommes certains ne la pouvoir esviter, et pour  
estre d autant mieux disposée quand il plaira  
a dieu l appeller et afin qu'apres son deces il  
n y ayt proces ny differant entre les siens pour

375

des biens que dieu luy a donnees en ce monde  
a faict son testemant noncupatif et derniere  
disposition, declarant par expres n estre induicte  
ny subornée par personne ains le faire de son  
bon gré et franche vollonté en la forme et maniere  
que s en suict, premieremant a prie dieu en  
toute humilitté luy faire la grace de luy pardonner  
tous ses pesches au nom et par le meritte de son  
filz unique nostre seigneur jesus christ mort pour  
nos offances et receusité pour nostre justiffica(ti)on  
et lors que son ame sera separée de son corps  
qu( )il plaise a sa divine bonté la recullir dans  
le paradis celleste en l attante de la resurection  
bien heureuse pour apres jouir en corps et en ame  
de la gloire esternelle, sy veult et entend led(it)  
testateur (*sic.*) qu apres son deces son corps soit ensevely  
**selon l ordre de la rellegion pretendue et refformée**  
dont il faict profession et venant a la disposition  
de ses biens a donné et legué (a) **jean vieusse**  
**cordonnier de villemur son filz** et dud(it) feu ramond  
vieusse la somme de trente livres que veult que

lui soit payée apres son deces, item donne et legue lad(ite) testatrisse a **vital vieusse vieux travailleur dud(it) villemur son filz** et dud(it) feu ramond, pareilhe somme de trente livres laquelle

somme veut et entend que luy soit aussy payée incontinant apres son deces, item donne et legue lad(ite) faure testatrisse a **jeanne vieusse sa filhe** et dud(it) feu ramond **femme d'arnaud chaulet patron de batteaux dud(it) villemur** la somme de trente livres que veut que luy soit payée apres son deces item donne et legue lad(ite) faure testatrisse a **anne vieusse sa filhe** et dud(it) feu ramond vieusse **femme de jean savieres patanel travailleur dud(it) villemur** la somme de cinq solz outre et par dessus ce qu( )elle luy donna dans ses pactes de mariage d'avec led(it) savieres rettenus par m(aîtr)e pierre custos no(tai)re dud(it) villemur les an et jour y contenus, lesquelz cinq solz veut que luy soient payes apres son deces, et moyenant ce lad(ite) faure testatrisse a faictz tous les susd(its) legataires ses herettiers particuliers et veut qu'ilz ne puissent rien plus pretendre ny demander sur sesd(its) biens et hereditté, et en tous et chascuns ses autres biens noms voix droicz actions ou que soient et luy puissent appartenir a faictz et institues ses herettiers universelz et generalz et les a nommes de sa propre bouche sçavoir et **vital vieusse june tonelier**, et **marie vieusse**

376

**femme de vital redon voitturier dud(it) villemur ses filz et filhe** pour par eux de sesd(its) biens et hereditté en pouvoir faire jouir et disposer par esgalles partz et portions tant a la vie qu'a la mort a ses plaisirs et vollontes et comme un chascun faict de son bien legitimement acquis voulant neanmoingz lad(ite) testatrisse que lad(ite) marie vieusse aye par preciput et advantage un cubat coulant deux pipes vin et qu( )elle le prene apres son deces, et ce dessus lad(ite) faure testatrisse a dict estre son testemant et derniere disposition que veut que vailhe par droit de testemant donna(tion) ou codicille et par toute autre forme que pourra mieux valloir cassant et revocquant et annullant tous autres testemanz et dispositions precedantes afin que le presant vailhe et sorte a son plain et entier effaict, du quel a pries

les tesmoingz bas nommés en estre memoratif  
et a moy d(it) no(tai)re de luy en rettenir acte ce  
qu'ay faict ez presances, de jean et pierre  
esquies freres sargers, benoist gourdou filz de  
pierre sarger, pierre vacquié peigneur de laine  
pierre astoul tailleur d habiz pierre blancou  
travailleur filz a feu francois estienne  
de pene peigneur de laine, et pierre blanc filz  
a feu arnaud meusnier habitanz dud(it) villemur

lesd(its) esquies et gourdou signes lad(ite) faure  
testatrisse et autres tesmoingz ont dict ne  
sçavoir et moy no(tai)re requis

Esquie          Gourdou          Esquie

Timbal, not(aire)